

**Fahami Al-Quran Supaya Tidak Mudah Dimanipulasi Golongan Peralat Islam - Dr Mahathir Bernama**  
**16 Ogos, 2012**

ALOR SETAR, 16 Ogos (Bernama) -- Bangsa Melayu beragama Islam di negara ini boleh disatukan dan tidak akan berpecah sekiranya pemimpin politik dan agama berpegang kepada ajaran sebenar Islam, kata bekas Perdana Menteri Tun Dr Mahathir Mohamad.

Katanya golongan yang berkepentingan politik akan sentiasa memperalatkan Islam untuk mencapai hasrat walaupun bangsa mereka berpecah belah dan menjadi lemah.

"Politik pemimpin tertentu di negara ini telah menjadi halangan bagi umat Islam Malaysia untuk bersatu. Politik merekalah punca utama kita pecah. Tambahan ada orang hendak jadi Perdana Menteri, mereka sanggup lakukan apa saja.

"Untuk kuat, kita (Melayu) perlu mendapat sokongan bangsa lain. Kalau kita faham al-Quran dan tahu dia (pemimpin) buat salah, kita tidak akan ikut," katanya.

Beliau ditemui pemberita selepas menyampaikan sumbangan kepada 900 orang miskin, anak yatim dan warga emas dalam kawasan Dewan Undangan Negeri Air Hitam sempena Hari Raya Aidilfitri di Masjid Al-Taqwa, Kampung Jerlun, dekat sini hari Khamis.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=688708>